



Datum: 31.01. 2020. godine

Broj: OD-48/20

Na osnovu člana 89. stav (1), člana 70. stav (1) i člana 64. stav (1) tačka b) Zakona o javnim nabavkama BiH ("Službeni glasnik BiH", broj: 39/14), člana 8. Statuta SERDA d.o.o. Sarajevo – Prečišćeni tekst, te Zapisnika o ocjeni i pregledu ponuda, donosim:

O D L U K U **o izboru najpovoljnijeg ponuđača**

1. Prihvata se Ponuda ponuđača GRANT THORNTON d.o.o. Banja Luka, br. Ponude: 023-01/20 od 22.01.2020. godine za javnu nabavku usluga – Usluge provođenja revizije za potrebe projekta Challenge to Change (Izazov 2.0), u postupku Konkurentski zahtjev za dostavu ponuda.
2. Ukupna vrijednost Ponude bez PDV-a iznosi 2.390,00 KM.
3. Sa navedenim Ponuđačem će se zaključiti ugovor o nabavci usluga – Usluge provođenja revizije za potrebe projekta Challenge to Change (Izazov 2.0)

O b r a z l o ž e n j e

Postupak javne nabavke proveden je putem Konkurentskog zahtjeva za podnošenje ponuda. Za predmetnu javnu nabavku je 15.01.2020. godine putem sistema „e-nabavke“ objavljeno Obavještenje o nabavci broj: 381-7-2-2-3-1/20.

U roku za preuzimanje Tenderske dokumentacije, prema Izvještaju sa portala javnih nabavki o preuzimanju tenderske dokumentacije od strane ponuđača, istu je preuzelo 17 ponuđača.

U ostavljenom roku do 23.01.2020. godine do 12 sati dostavljene su ponude slijedećih ponuđača, a prema redoslijedu zaprimanja:

R. br.	PONUĐAČ	Cijena na (javnom) otvaranju KM (bez PDV-a)	Ukupna cijena na (javnom) otvaranju KM (sa PDV-om)
1.	RECONS d.o.o. Sarajevo	6.000,00	7.020,00
2.	GRANT THORNTON d.o.o. Banja Luka	7.820,00	9.149,40
3.	REVKER d.o.o. Sarajevo	2.800,00 /na 3.000,00 – uključen popust 200,00/	3.276,00
4.	MERFI d.o.o. Sarajevo	2.500,00	2.925,00



Nije bilo neblagovremenih ponuda.

Nakon otvaranja ponuda, pristupilo se analizi dokumenata priloženih uz ponude u smislu provjere validnosti obzirom na iskazane zahtjeve Ugovornog organa u Konkurentskom zahtjevu za dostavu ponuda, odnosno vrednovanju ponuda, a u skladu sa procedurama i pravilima utvrđenim Konkurentskim zahtjevom za dostavu ponuda i Zakonom o javnim nabavkama BiH, odnosno pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti dokumentacije, utvrđeno je sljedeće:

- a) Ponuda ponuđača RECONS d.o.o. Sarajevo je u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14), odbačena iz razloga što ponuda nije potpuna i ne ispunjava zahtjeve iz Tenderske dokumentacije broj: JN-2/20.
- Ponuđač uz Ponudu nije dostavio na svom memorandumu naziv i sjedište ponuđača, datum potpis i pečat, kako je to zahtjevano u tački 4. pod 4.1.a. Tenderske dokumentacije,
 - kopija -Aktuelni izvod iz sudskog registra nije ovjerena kako je zahtjevano u tački 3.2. pod a) Tenderske dokumentacije,
 - nije dostavljen bilans stanja i bilans uspjeha za posljednju jednu godinu, a kopija potvrde banke da račun ponuđača nije blokiran u periodu od 6 mjeseci, računajući period do datuma objavljivanja Obavještenja o nabavci, nije ovjerena, kako je zahtjevano tačkom 3.3. pod a) i b) Tenderske dokumentacije,
 - nije dostavljena Referens lista izvršenih revizija za posljednje tri godine u projektima međunarodnih fondova i minimalno jedna potvrda o uredno izvršenim ugovorima i
 - nije dostavljena Izjava ponuđača da je najmanje 50% radne snage koja će raditi na realizaciji ovog ugovora o nabavci usluga su rezidenti Bosne i Hercegovine i spisak osoblja koji će raditi na realizaciji ovog ugovora, kako je to zahtjevano tačkom 3.4. pod a) i b) Tenderske dokumentacije,
 - kopije certifikata/licence ili ekvivalentni dokument kojim se dokazuje da se radi o ovlaštenoj revizorskoj kući i kopija Certifikata/licence kojim se dokazuje da se radi o ovlaštenim revizorima za osoblje koje će biti angažovano na predmetnim uslugama, nisu ovjerene, kako je to zahtjevano tačkom 3.2. pod b) i c) Tenderske dokumentacije,
 - izjave po članu 45. i 52. ZJN BiH nisu ovjerene od strane nadležnog organa, već su ovjerene samo pečatom ponuđača i
 - nije dostavljena kopija ponude, kako je to zahtjevano tačkom 4.3. u prvom pasusu Tenderske dokumentacije.

Nije bilo razloga za isključenje ponuđača: GRANT THORTON d.o.o. Banja Luka, REVKER d.o.o. Sarajevo i MERFI d.o.o. Sarajevo, zbog neispunjavanja uslova za kvalifikaciju.

Analizom ponuda ponuđača: GRANT THORTON d.o.o. Banja Luka, REVKER d.o.o. Sarajevo i MERFI d.o.o. Sarajevo za ovu nabavku u vezi ekonomske, tehničke i profesionalne sposobnosti utvrđeno je da nema razloga za odbijanje.



U skladu sa članom 66. ZJN BiH („Službeni glasnik BiH“, broj 39/14) i članom 17. Uputstva za pripremu modela tenderske dokumentacije i ponuda („Službeni glasnik BiH“, broj 90/14), Zahtjev za objašnjenje neprirodno niske ponuđene cijene u postupku javne nabavke: Usluge provođenja revizije za potrebe projekta Challenge to Change (Izazov 2.0), broj: I-17/20 od 24.01.2020. godine dostavljen je ponuđaču MERFI d.o.o. Sarajevo.

U ostavljenom roku, 27.01.2020. godine, Ponuđač je dostavio pismeno detaljno objašnjenje ponuđene cijene koje je prihvatljivo.

U objašnjenju ponuđene cijene ponuđač MERFI d.o.o. je detaljno obrazložio i prikazao finansijsku kalkulaciju i analizu, a čine je sljedeći elementi:

- osobe koje će biti angažirane na ovom poslu, pozicije, budžetirani dani po osobi, budžetirana vrijednost dana BAM po osobi, cijena BAM po osobi, broj radnih dana u 2. mjesecu po osobi, budžetirani troškovi rada za 2. mjesec po osobi, pokriće budžetiranih troškova rada po jedinici. Ponuđač je naveo da budžetirana vrijednost dana predstavlja cijenu koja odražava dnevna primanja uposlenih u skladu sa ugovorima o radu, kao i jediničnu vrijednost fiksnih troškova ureda za 1 mjesec rada, kad ostvaruju potpunu zaposlenost svih kapaciteta, kao što je slučaj u februaru mjesecu 2020. godine. Prilikom pripreme Ponude kako bi formirao tržišnu povoljnu cijenu, izvršio je analizu ponuda usluga revizije projekta Challenge to Change koje su zaprimljene 2019. godine od učesnika u postupku i analitički i procentualno prikazao odnos cijena usluge.

Ponuđač MERFI d.o.o. je dao pismeno obrazloženje sa detaljnim informacijama o relevantnim sastavnim elementima ponude, uključujući elemente cijene, odnosno razloge ponuđene cijene, te je takvo obrazloženje osnovano i prihvatljivo, a sve u skladu sa članom 66. ZJN BiH („Službeni glasnik BiH“, broj 39/14).

- Rangiranje prihvatljivih ponuda prema kriteriju "najniža cijena" za učešće na e-aukciji:

R. br.	PONUĐAČ	Cijena na (javnom) otvaranju KM (bez PDV-a)	Ukupna cijena na (javnom) otvaranju KM (sa PDV-om)
1.	MERFI d.o.o. Sarajevo	2.500,00	2.925,00
2.	REVKER d.o.o. Sarajevo	2.800,00	3.276,00
3.	GRANT THORNTON d.o.o. Banja Luka	7.820,00	9.149,40

Tenderskom dokumentacijom broj: JN-2/20 predviđena je e-aukcija i zakazana je za 30.01.2020. godine u 09:15.

Trajanje aukcije do 9:29:00 sati.



- Rangiranje prihvatljivih ponuda prema kriteriju "najniža cijena" za izbor ponude poslije završene e-aukcije izgleda:

R. br.	PONUĐAČ	Cijena na (javnom) otvaranju KM (bez PDV-a)
1.	GRANT THORNTON d.o.o. Banja Luka	2.390,00
2.	REVKER d.o.o. Sarajevo	2.393,16
3.	MERFI d.o.o. Sarajevo	2.500,00

Ponuda ponuđača GRANT THORNTON d.o.o. Banja luka, ID broj: 4403514340007, nakon provedene procedure e-aukcije, ocijenjena je prihvatljivom u skladu sa uslovima iz Tenderske dokumentacije, sa ukupnom cijenom u iznosu od 2.390,00 KM bez PDV-a koja je prema kriteriju za izbor ponude (najniža cijena) ocijenjena najprihvatljivijom ponudom.

S obzirom da je ponuda ponuđača GRANT THORNTON d.o.o. Banja Luka ocijenjena kao najpovoljnija i sa najnižom cijenom, to je Komisija za nabavku predložila prihvatanje Ponude, te shodno odredbama članova 64. stav (1) tačka b) i 70. Zakona, donošenje odluke o izboru ponude ponuđača GRANT THORNTON d.o.o. Banja Luka.

Imajući u vidu prednje navedeno, Ugovorni organ je donio Odluku kao u dispozitivu.

Protiv ove Odluke svaki od ponuđača/dobavljača ima pravo da podnese žalbu u roku od pet dana od dana prijema ove odluke.

Žalba se podnosi Ugovornom organu SERDA d.o.o. Sarajevo, u pisanoj formi.


DIREKTOR
dr. Ševkija Okerić

Dostaviti:

- Ponuđačima
- Komisiji za javne nabavke
- web stranica
- a/a